

各位嘉賓、各位朋友，

我好高興可以代表青年廣場歡迎大家出席「探藝敦煌」- 藝術文化大使選拔暨展覽的開幕典禮！

今日我地好榮幸邀請到的主禮嘉賓，幾乎每位都同敦煌有特別既緣份，亦對敦煌文化有非常深厚既學養、研究同感情。

首先，我要多謝敦煌研究院同康文處對青年廣場「探藝敦煌」展覽既全力支持。教育局同埋公民教育資源中心既全力配合，協助我地將「探藝敦煌」活動廣泛推廣給學校。

今次嘅展覽，係得到敦煌研究院特別研究員李美賢老師嘅悉心指導，佢俾咗好多好寶貴意見我地。李老師亦係我最尊敬嘅人，因為受到佢的啓蒙，我先至認識到敦煌呢個中國世界文化遺產和寶庫！

我地亦好感謝香港敦煌之友會長余志明先生特別安排香港敦煌之友既成員為我地呢個展覽做導賞。

除此之外，多謝商務印書館總編輯毛永波先生的支持和同意，「立體看敦煌」呢本書既章節先至可以呈現於展覽品之中。

敦煌係令人着迷的地方，佢係處於古絲綢之路要塞的國際城市，包含左好多元素，包括：歷史、文化、藝術、宗教、音樂、設計、保育、中西交融等。應該

係通識教育和創意藝術最好的教材！

今次活動將會選出「藝術文化大使」到敦煌進行學習之旅，機會難得。喺度我要多謝擔任「藝術文化大使」選拔評審團既各位，包括首席評審楊立門太平紳士、著名攝影師水禾田先生及資深傳媒人葉家寶先生。今次學習之旅的費用，係由海南商會部分贊助，衷心感激！

我地同時要多謝國際著名時裝設計師 Vivienne Tam 女士，佢從敦煌壁畫中，激發靈感，創造咗一系列敦煌時裝，佢借出部份創作，提供藝術圖案俾青年廣場製作填色畫，派發俾參觀者發揮自己既創意。

青年廣場希望能夠透過今次活動，等年青人從敦煌既藝術文化入手，然後進一步去認識國家目前正在大力推行嘅「一帶一路」發展戰略。

最後，今次青年廣場能夠成功舉行「探藝敦煌」活動，係得到好多唔同單位同有心有力嘅社會人仕鼎力支持合作！在此，我再次向大家送上衷心謝意，多謝各位！